

AKASHVANI AIZAWL
REGIONAL NEWS BULLETIN
HEADLINES (EVENING)

1. Larsap General (Retd) Dr VK Singh-a'n sipaia luh tumte tan National Cadet Corps, NCC-a tel tluka tha a awm lo a ti.
2. Chief Minister Pu Lalduhoman Kolasib District chhung Buhchangphaia SSB Agro ah Kuhva sawngbawlna khawl a hawng.
3. Union Home Minister Amit Shah chaun vawiin khan Assam ah hmasawna hna cheng vaibelchhe 1700 hu a hawng.
4. Jammu and Kashmir-a Kishtwar District-ah Jaish-e-Mohammed firfiakte dapchhuah beipui sipaiten ngawrh lehzualin a thlak mek.

<><><>

GOVERNOR

Larsap General (Retd) Dr VK Singh-a'n sipaia luh tumte tan National Cadet Corps, NCC-a tel tluka tha a awm lo a ti.

He thu hi Mizoram puala din NCC Group Headquarters Aizawl, vawiina MZU Auditorium-a a hawnaah sawiin, Larsap chuan Mizoramin ama pual liau liau a NCC Group Headquarters a nei ta chu Mizoram tana ni chhinchhiah tlak leh hmasawna mellung pawimawh tak a ni, a ti a. NCC Group HQ Aizawl hawn fel tak chuan Mizoram thalaite zingah NCC hmalakna a thanlen zual tir dawn tih sawiin, Republic Day parade-ah NCC Band Mizoram te'n fak an hlawh thin thu sawiin, hmasawn zel tum turin a chah.

Adventure Tourism tih hmasawn kawnga Mizoram sawrkar hmalakna fakawm tiin, NCC cadet-te pawh hetiang lama an tel tam zel a beisei thu a sawi a. Kum 1964 atang khan NCC chuan Mizoramah hmalakna leh hlawhtlinna chhuanawm tak tak a nei a, inthunna leh hun remchang thalaite siam sak kawngah NCC aia thawh hlawk thalaite telna pawl dang a awm bik lo a ti a, mihring puitling leh chhawrtlak chher chhuah kawngah NCC chuan a thawh hlawk hle tih a sawi bawk.

Byte: Governor

He hunah hian Larsap chuan Group Commander Brig Gunjit Singh Arora kutah NCC Group HQ Aizawl puanzar hlanin a hawng a, Group HQ NCC Aizawl puala siam 'My Stamp' a tlangzarh nghal bawk.

NCC hi Mizoramah kum 1964 khan din a ni a, tun dinmunah batallion 4- Aizawlah battalion pathum te awm mekin, Lungleiah battalion pakhat a awm bawk. Mizorama NCC batallion hrang hrangte chu Silchar Headquarters hnuayah a awm thin a. Tunah chuan Brigadier thutchilhin Aizawl-ah ngei Group Headquarters Mizoramin a nei tawh dawn a ni.

Corr: Maremi



NATIONAL VOTERS DAY PADYATRA/RALLY

Mizoram Chief Electoral Officer Dr. Lalrozama'n zirlaite chu ram rorelna leh vote thlak ngai pawimawh turin a chah.

Wawiin khan National Voters' Day pualin Mera Youva Bharat Mizoram, Government T Romana College, leh Sport Authority of India (SAI) tangho buatsaih National Voters Day Padyatra /Rally chu Govt. T.Romana College-ah neih a ni a. He hun hmanpuitu CEO Dr. Lalrozama chuan thusawiin, zirlai kalkhawmte chu ram rorelna ngai pawimawh turin a chah a, ram roreltute chu mipui te'n vote hmanga an thlan a nih avangin vote thlak chu ram kalsiam reltu pawimawh tak a ni a ti a, mipuite ei leh in, him leh dam leh hriselna thlenga nghawng nei a nih avangin vote thlak chu mipui rorelna- democracy laimu a nih thu a sawi bawk a ni.

Mera Youva Bharat Mizoram Director Pi Mercy Selate pawhin thu sawiin, National Voters Day Padyatra an tih chhan chu thalaite an hrisel loh chuan ramin hruiatu tha a nei thei dawn lova, an hrisel theih nan cycle hmang emaw ke a kal tam tura fuihna a ni a ti a, thalaite hriselna an ngaihpawimawh chu My Bharat, My Vote programme in a tum ber a nih thu sawiin, thalaite chuan India inrelbawlnaah mawhphurhna sang tak an neih avangin ram neitu thinlung pu chungin vote thlak thin turin a chah a, ei leh in fimkhur a, hriselna ngaihpawimawh a, ruihtheihthila fihlim turin a chah bawk a ni.

Byte- Mera Youv Bharat Mizoram Director Pi Mercy Selate

Wawiina Voters' Day puala hun hmannaah hian vote nei tharte lawmpuina hun hman a ni a, kalkhawmte chuan vote thlak ngai pawimawh tura intiamna leh mipui chanvo a nih thu an sawi rual a ni.

Lawngtlaiah pawh My Bharat (NYK) bul tumin National Voter's day chu Govt. Lawngtlai College ah hman ani. Election Officer Pu Collin Hlychho an hmanpuiin zirlai vote nei thar te lawmpuina thil pek hlannin, vote vawikhatmah la thlak lo te fuihin, vote nei zawng zawng te vote thlak ngaihpawimawh turin a chah bawk.

Corr: Maremi



CM

Chief Minister Pu Lalduhoman Kolasib District chhung Buhchangphaia SSB Agro ah Kuhva sawngbawlna khawl a hawng.

Kuhva sawngbawlna ah hian Chief Minister Pu Lalduhoma chuan thu sawiin, department chhinchhiah danin Mizoramah kuhva huan Hectare 30,000 vel a zau a awm a, nikum 2024-2025 chhung khan Mizoram puma Kuhva tharchhuah zat hi Quintal 2,00,000 vel ni a chhut a ni a ti a. Eizawna ngelnghet leh hlawk tak a nih avangin sorkar chuan Kuhva phun belh zel hi an thlawp a, Handholding Scheme leh CM Special Package hnuaiahte dilna thelhuh theih a ni, a ti

Chief Minister chuan an sorkar hnua Home Minister Pu K. Sapdanga kaihhraina hnuaiah ruihhlo leh Kuhva tawlhruk do anih hnua an man nasa a, a dahna an nei seng lo zawk a ti a, tihrem vek chu har deuh mahse an thawk tha tih tilangtu chu kuhva chingtuten an hralh that ber kum an thleng ta hial a ni a ti.

A ruka tawlh an do rual chiahin state chhungah ngei a process-na neih tul an ti a. Mimal emaw Company emaw hma la thei tur an dap a. Sorkar pawhin hma an la bawk a. Sorkar lam hmalakna ah chuan tunah hian Chemphaiah leh Zamuang ah cheng vaibelhehe sarh leh nuai sawmli pathum sengin a process-na hi din mek a ni a. Nakum lamah hawn theih beisei a ni a ti.

He hunah hian Pu Sangbiak Lal Khuptong chuan Kuhva process na khawl an din chhan ber chu Mizorama kuhva chingtuten a hralhna lama harsatna an tawh vang a ni a ti a. Kuhva leh a kaihhnawih sumdawna hrim hrim chu kum 20 vel an lo buaipui tawh a. Mizorama kuhva tharte hlawk zawk leh awmze nei zawka hralh a nih theih nan, loneitute hmakhua ngaiin an din a ni a ti.

Chief Minister Pu Lalduhoma hian vawiin vek khan Buhchangphaia Oil Palm chinna panna kawngpui Ramthar Zau Oil Palm Link Road leh Bukvanneia Godrej Agrovet ten Oil Palm chingtute tana mamawh engkim man tlawm zawka an leina tur Samadhan Centre, One Stop Solution an din thar chu hawng bawl.

Link road a hawn hi kilometer hniha thui niin concrete pavement a ni a, cheng nuai 110 sen ral a ni. He zauah hian chhungkaw pakuain huan an nei puitling tawh a, nikum khan cheng nuai 45 man an hralh a. Chhungkaw dang 15 in an ching thar leh mek bawk.

Kum 2005 atang khan Godrej Agrovet Limited (GAVL) hian Mizoram sorkar hriatpuiin Oil Palm chingtute thawhpuiin hma a la tan a. Kolasib leh Mamit district pahnihte enkawltir bik an ni a. Mizoram chhim lamah Patanjali Food lam ten tha tharin an ti ve leh bawk a ni.

Andrew Kolasib PTC



FLAM GBM

Assembly Speaker Pu Lalbiakzama chuan Politician te chu sorkar hnathawk anga hna atanga 'pension' mai thei an ni lo a, ram veia ram tana thawk zel tura intuaihriam reng tur a ti.

Wawiina FLAM Annual General Body Meeting ah he thu hi sawiin Pu Lalbiakzama chuan thu sawiin, Mizoram chu thalai lekhathiam tamna, First Fully Literate State-a puan tawh a, he'ng thalai lekhathiam zinga hna hmu lo tam takte tana eizawna ngialnghet siam a ngaih pawimawh thu leh, Tourism lamah te leh Bana Kaih Policy leh thil dang hmanga khaichhuah an ngaih thu a sawi bawk.

FLAM hmasawna te leh an hamthatna tur atana sawrkar hnathawhte a tarlang a. MLA Hostel hlui chu thiah fel ani tawh a, SASCI sum hmangin sak a ni thei dawn a, amaherawhchu a hmun tura duana theizuarte chuan an insawna tura ruahmansak an duh lo a, mihring inlaintnain ngaihchan mek an nih thu leh a tul anga bawhzui a nih tur thu a sawi a. Assembly House thar sakna tur hmun hma tha zawn mek a ni a, plan leh sum senso ngaizat tur te kan ruahman chho mek a ni, a ti bawk.

FLAM President Pu Liansuama chuan kum 1972 UT MLA te zingah mi 7-in an la dampui tih a sawi a. FLAM-ah chuan Political Party hrang hrangte awm mah se Party politics tuma'n an pu lut ngai lova, an thawhhona a tha a, an inpumkhat tih a sawi a. Ram tana tha tur nia an hriatah theihtawp chhuahin hma an la thin a, an la zel bawk dawn a ni, a ti. Thalaite, a bikin mipa thi an tam ta lutuk chu a tlem theihna turin ralpui phiara phiar a, tan an lak a ngai a ni tiin, mithiamte lengah sawmin an sawipui tawh a, a tul ang zela an beih tur thu a sawi a ni.

DIPR

<><><>

MPCC

Mizoram Pradesh Congress Committee huaihawtin vawiin khan Aizawl Chanmari atanga Vanapa Hall thleng kawngzawh pui neih a ni a, Central Sawrkarin MGNREGA nuai bo a tum vang te, India rama Kristiante tihduhdahna hluar zel duh loh vang te, Lengpui Airport bul ram inleinaa thil dik lo leh eirukna awm anga lang puangzar tura Mizoram sawrkar nawr nan te an buatsaih tih an sawi.

MPCC President Pu Lalthanzara chuan sawrkar an hrawn chu kristian nek chepna ramchhunga hluara cho zelah aw chhuah ngam lovah a puh a, hei bakah hian ni 100 inhlawhna thingthlang mipui hnathawkte in hnang fakna ber BJP sawrkar in a pawngsual tih sawiin, hemi chungchangah pawh Chief Minister-in thingthlang mite thlavang hauhna engmah a au chhuahpui ngam lo a ti a, Lengpui rama uchuak taka ram in lei sak awm naa mipuite hnea engmah thudik an puanzar ngam loh avanga kawng zawh an nih thu a sawi bawk.

Byte Pu Lalthanzara President MPCC

MPCC Treasurer Dr Lalmalsawma Nghaka chuan Chanmari-a kawng zawh hawnna thu sawiin "Ni za inhlawhna, MNREGS hi thingthlang mite tan a tangkai in chhungkaw tamtak inngahna a ni a, hetia Centrala BJP sawrkarin tihtawp a tum hi thil pawl tak a ni a ti a. He thil hian India ram mai nilo, Mizorama thingthlang mi harsa tak tak te a nghawng dawn a ti.

Byte Dr Lalmalsawma Nghaka

MPCC kawngzawh pui hi Vanapa hall kawtah a kharna hun hman niin, he kawngzawha kalkhawmte hian an resolution pathum te chu ban dinglar phara pass in a huhova chham rualna an nei nghal bawk.

(Hruaia Aizawl PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

UNION HOME MINISTER

Union Home Minister Amit Shah chaun vawiin khan Assam ah hmasawna hna cheng vaibelchhe 1700 hu a hawng. Vawiina hawn zingah hian Dibrugarh-a legislative Assembly complex pawh a tel a. Thusawiin Pu Shaha chuan India-European Union ten Free Trade Agreement an ziah chuan Assam atanga Europe rama thingpui fe thawchhuah a ti pung dawn a ti a. Assam in tuilian a tawrh thin chungchangah sawrkar laipui chuan tuilian awm tawhlohna state ah Assam chu siam an tum a ti a. Assembly inthlan lo awm turah Assam mipuite chu BJP vote theuh turin a sawm a ni

(Newsonair)

<><><>

J&K

Jammu and Kashmir-a Kishtwar District-ah Jaish-e-Mohammed firfiakte dapchhuah beipui sipaiten ngawrh lehzualin a thlak mek. He beihpui hi tun thla ni 18 khan tan a ni a, Sonnar ngaw chhungah sipaite leh firfiakte hi nasa takin an inkap a. He inkahnaah paratrooper sipai pakhat kahhlum niin sipai pasarihin hliam an tuar a. Hemi hnu hian tum hnih inkahna thleng lehin Janaury ni 22 leh ni 25 ah te an inkap leh a. Helai chhehvelah hian firfiakte hi an bibo mek nia hriat anih avangin sipaite hian ngawrh lehzualin dapchhuah hna na thawk a ni.

(NewsonAIR)

<><><>

PRAGATI

Prime Minister flagship programme Pro-Active Governance and Timely Implemetation,PRAGATI chuan mellung pawimawh tak phunin a tum 50 na inhmukkhawm hlawhtling takin a nei. He programme hi PM Modian kum 2015 a bul a tan atangin sawrkar inrelbawlina leh hnathawh dana inthlak danglamna tam tak a thleng a. Sawrkar hnathawkte hna thawh dan chu a hunlai ngeia vil a ni a, Prime Minister hoa thlirletna hun hman thin niin hetah hian hmasawna ruhrel pawimawh tak tak te pawm niin mipuiten lungawilohna an thlente pawh enfiah nghal a ni a thin a. Kum 10 chhungin PRAGATI hian sawrkar thutlukna pawimawh tak takah nasa takin a pui a, hmasawna hna thawh tihkhawtlai thinte chin fel niin sawrkar hnathawkte rintlak lehzuala siam an ni.

PRAGATI hnuaijah sawrkar project hlawhtling zingah hian Himachal Pradesh-a NH-22 kawngpui Parwanoo-Solan section pawh hi a tel a. He project hi four-lane tura siam niin km 39 a thuui a ni a. National Highways Authority of India (NHAI in National Highway Development Programme Phase-III hnuaijah a hmalakna a ni a. Project atan hian cheng vaibelchhe 1 leh 635 ruahman a ni a. Hun engemawchen hnathawh tih khaihlah anih hnuah PRAGATI hnuaijah Project Monitoring Group ten an thlirho a. Chak taka hmalak anih hnuah kum 2023 December ni 20 ah project hi zawh fel a ni thei ta a ni.

(NewsonAIR)

<><><>